

## HELAIAN KETERANGAN PRODUK

(Sila baca Helaiian Keterangan Produk ini sebelum anda membuat keputusan untuk menyertai "IKHLAS FLEXI-EB Takaful". Sila pastikan juga anda membaca terma dan syarat am.)

## TAKAFUL IKHLAS BERHAD

(Didaftarkan di bawah Akta Perkhidmatan Kewangan Islam 2013 and dikawal selia oleh Bank Negara Malaysia)

### IKHLAS FLEXI-EB TAKAFUL

Tarikh: 21/01/2015

#### 1) Produk apakah ini?

Skim Takaful ini direka untuk menyediakan perlindungan bagi Kematian, Keilatan Kekal dan Menyeluruh, Perbelanjaan Serta-merta Kematian dan rider-rider yang disertakan, untuk ahli (Orang Yang Dilindungi) bagi kumpulan yang di lindungi semasa tempoh Sijil Takaful. Skim ini juga mempunyai elemen simpanan, yang menyertakan keuntungan yang akan diagihkan semula kepada para Peserta Takaful.

Skim ini adalah berasaskan Unit dan ringkasan Skim ini adalah seperti berikut:

Unit	Kematian		TPD		Penyakit Kritikal	Manfaat Hospital	PPD akibat Kemalangan	Perbelanjaan Serta-merta Kematian			Simpanan %
	semula-jadi	Kemalangan	semula-jadi	Kemalangan				Peserta	Pasangan	Anak	
1	10,000	20,000	10,000	20,000	10,000	10	10,000	2,000	1,500	1,000	10%
2	20,000	40,000	20,000	40,000	20,000	20	20,000	2,000	1,500	1,000	10%
3	30,000	60,000	30,000	60,000	30,000	30	30,000	2,000	1,500	1,000	10%
4	40,000	80,000	40,000	80,000	40,000	40	40,000	2,000	1,500	1,000	10%
5	50,000	100,000	50,000	100,000	50,000	50	50,000	2,000	1,500	1,000	10%
6	60,000	120,000	60,000	120,000	60,000	60	60,000	2,000	1,500	1,000	10%
7	70,000	140,000	70,000	140,000	70,000	70	70,000	2,000	1,500	1,000	10%
8	80,000	160,000	80,000	160,000	80,000	80	80,000	2,000	1,500	1,000	10%
9	90,000	180,000	90,000	180,000	90,000	90	90,000	2,000	1,500	1,000	10%
10	100,000	200,000	100,000	200,000	100,000	100	100,000	2,000	1,500	1,000	10%
11	110,000	220,000	110,000	220,000	110,000	110	110,000	2,000	1,500	1,000	10%
12	120,000	240,000	120,000	240,000	120,000	120	120,000	2,000	1,500	1,000	10%
13	130,000	260,000	130,000	260,000	130,000	130	130,000	2,000	1,500	1,000	10%
14	140,000	280,000	140,000	280,000	140,000	140	140,000	2,000	1,500	1,000	10%
15	150,000	300,000	150,000	300,000	150,000	150	150,000	2,000	1,500	1,000	10%
16	160,000	320,000	160,000	320,000	160,000	160	160,000	2,000	1,500	1,000	10%
17	170,000	340,000	170,000	340,000	170,000	170	170,000	2,000	1,500	1,000	10%
18	180,000	360,000	180,000	360,000	180,000	180	180,000	2,000	1,500	1,000	10%
19	190,000	380,000	190,000	380,000	190,000	190	190,000	2,000	1,500	1,000	10%
20	200,000	400,000	200,000	400,000	200,000	200	200,000	2,000	1,500	1,000	10%
21	210,000	420,000	210,000	420,000	210,000	210	210,000	2,000	1,500	1,000	10%
22	220,000	440,000	220,000	440,000	220,000	220	220,000	2,000	1,500	1,000	10%
23	230,000	460,000	230,000	460,000	230,000	230	230,000	2,000	1,500	1,000	10%
24	240,000	480,000	240,000	480,000	240,000	240	240,000	2,000	1,500	1,000	10%
25	250,000	500,000	250,000	500,000	250,000	250	250,000	2,000	1,500	1,000	10%

## 2) Apakah konsep Syariah yang digunapakai?

- **Tabarru'** – bermaksud derma bagi tujuan perpaduan dan kerjasama di kalangan Peserta-peserta Takaful dan akan digunakan untuk membantu Peserta Takaful yang ditimpa musibah. Di dalam konteks Takaful IKHLAS, Tabarru' akan diperuntukkan ke dalam Dana Risiko.
- **Wakalah** – bermaksud agensi. Di dalam konteks ini, ia merujuk kepada kontrak di antara Syarikat dan Peserta di mana Peserta Takaful melantik Syarikat untuk menguruskan dana bagi pihak Peserta Takaful, yang membenarkan Syarikat untuk mengenakan yuran Wakalah.

## 3) Apakah perlindungan/manfaat yang ditawarkan?

### a) Manfaat Kematian

Jika Orang Yang Dilindungi pada bila-bila masa meninggal dunia dalam tempoh Sijil Takaful berkuatkuasa, pihak Syarikat akan membayar Jumlah Perlindungan Orang Yang Dilindungi, yang konsisten dengan bilangan unit yang disertai sepertimana yang dinyatakan di dalam Sijil Individu kepada Pemegang Sijil Induk Takaful untuk diserahkan kepada Penama yang dinamakan oleh Orang Yang Dilindungi.

Dua (2) kali Jumlah Perlindungan akan dibayar apabila kematian diakibatkan oleh kemalangan.

### b) Manfaat Keilatan Kekal dan Menyeluruh (TPD)

Sekiranya berlaku TPD, pihak Syarikat akan membayar Jumlah Perlindungan, yang konsisten dengan bilangan unit yang disertai seperti yang dinyatakan di dalam Sijil Takaful Individu kepada Pemegang Sijil Induk Takaful untuk diserahkan kepada Orang Yang Dilindungi.

Dua (2) kali Jumlah Perlindungan akan dibayar apabila TPD diakibatkan oleh kemalangan.

#### Syarat:

Definisi TPD adalah berdasarkan " mana-mana Pekerjaan " dan manfaat yang dibayar adalah tertakluk kepada:

- (i) Tuntutan keilatan kekal dan menyeluruh disahkan.
- (ii) Sumbangan Takaful tidak tertunggak.

Perlindungan TPD akan tamat apabila Orang Yang Dilindungi mencapai umur 65 pada ulang tahun Sijil Takaful.

### c) Penyakit Kritikal Pra-bayar

Sekiranya Orang Yang Dilindungi disahkan menghidap mana-mana dari Penyakit Kritikal yang dilindungi seperti dinyatakan in dalam Sijil Induk Takaful dan hidup sekurang-kurangnya tiga puluh (30) hari daripada tarikh disahkan menghidap penyakit tersebut, maka Syarikat akan, selepas menerima bukti yang sah serta memuaskan akan penyakit yang disahkan dihidapi, membayar Jumlah Perlindungan, yang konsisten dengan bilangan unit yang disertai sepertimana yang dinyatakan di dalam Sijil Individu Takaful kepada Peserta Takaful untuk diserahkan kepada Orang Yang Dilindungi.

Jumlah perlindungan bagi Sijil Takaful Asas kemudiannya akan dikurangkan mengikut jumlah bayaran yang dibuat ke atas Sijil Tambahan Takaful ini.

#### d) Manfaat Hospital

Jika Orang Yang Dilindungi ditahan di dalam pusat Hospital Awam termasuk Hospital pelatih perubatan kerajaan di Malaysia atau di Hospital yang dibenarkan oleh Syarikat, setelah disyorkan dan mendapat kebenaran Doktor yang sah dan berkeelayakan, Syarikat akan membayar elaun harian hospital pada kadar yang ditunjukkan di dalam Sijil Takaful Individu kepada Pemegang Sijil Induk Takaful untuk diserahkan kepada Orang Yang Dilindungi, mengikut tempoh beliau ditahan.

Manfaat penghospitalan akan dibayar, hanya sekiranya Orang Yang Dilindungi dimasukkan ke hospital lebih dari enam (6) jam.

#### e) Keilatan Separa Kekal

Jika Orang Yang Dilindungi mengalami kehilangan fizikal atau kehilangan kegunaan anggota badan atau organ atau kehilangan penglihatan yang tidak boleh dipulih akibat daripada kemalangan, Pihak Syarikat, selepas menerima dan mengesahkan bukti, akan membayar pampasan berdasarkan Jadual Pampasan dengan syarat keilatan tersebut mestilah berlaku dalam tempoh dua belas (12) bulan dari tarikh kemalangan berlaku. Jumlah pampasan Keilatan Separa Kekal (PPD) adalah seperti yang dinyatakan dalam bentuk peratusan daripada Jumlah Perlindungan PPD seperti tercatat di dalam Jadual Pampasan yang dinyatakan pada Sijil Induk Takaful.

Orang Yang Dilindungi boleh membuat lebih daripada satu tuntutan di bawah faedah PPD, dengan syarat jumlah yang dibayar tidak melebihi 100% daripada Jumlah Perlindungan.

Jumlah perlindungan bagi Sijil Asas Takaful kemudiannya akan dikurangkan mengikut jumlah bayaran yang dibuat ke atas Sijil Tambahan Takaful ini.

#### f) Perbelanjaan Serta-merta Kematian

Manfaat Perbelanjaan Serta Merta Kematian seperti yang dinyatakan di dalam Sijil Takaful Individu, akan dibayar Sekiranya Orang Yang Dilindungi meninggal dunia. Pembayaran Manfaat akan dibuat dalam masa 24 Jam selepas pemberitahuan tuntutan yang disokong oleh salinan laporan Polis yang telah di sahkan beserta Sijil Kematian.

#### g) Penamatan

Apabila berlakunya penamatan Sijil Takaful, dan jumlah terkumpul di dalam PIA dan PRIA, termasuk pendapatan pelaburan dari PIA dan PRIA dan lebihan boleh-agih bersih daripada Dana Risiko, jika ada, akan dibayar kepada Peserta Takaful untuk diserahkan kepada Orang Yang Dilindungi, jika ada.

#### 4) Berapakah jumlah Sumbangan Takaful yang perlu dibayar?

Jumlah Sumbangan Takaful yang perlu dibayar bergantung kepada jumlah unit yang disertai. Jumlah Sumbangan Takaful anda adalah seperti berikut:

Jumlah Unit : 5  
Sumbangan Takaful Tahunan : RM600.00

**5) Apakah yuran dan caj yang perlu dibayar?**

<u>Jenis</u>	<u>%</u>
Yuran Wakalah*	20% dari Jumlah Sumbangan Takaful atau RM120
Komisyen	10% dari Jumlah Sumbangan Takaful atau RM60

\* Komisyen adalah sebahagian daripada yuran Wakalah.

**Nota:** Caj-caj yang dikenakan Takaful IKHLAS tidak termasuk cukai yang mungkin dikenakan di masa hadapan (termasuk cukai Barang dan Perkhidmatan (CBP)). Dengan pelaksanaan CBP, Takaful IKHLAS berhak untuk mengutip semula sebarang cukai yang dikehendaki oleh undang-undang daripada Peserta Takaful.

**6) Apakah terma dan syarat utama yang perlu diketahui?**

- a) Pendedahan maklumat – anda dikehendaki mendedahkan semua maklumat dan fakta seperti umur, pekerjaan dan keadaan kesihatan dengan betul. Takaful IKHLAS mempunyai hak untuk menolak pembayaran tuntutan jika anda didapati gagal untuk mendedahkan maklumat yang relevan yang akan mempengaruhi keputusan untuk menerima atau menolak risiko, dan tentang peruntukan-peruntukan yang akan ditetapkan pada anda.
- b) Tempoh Bertenang – Anda boleh membatalkan Sijil Takaful dengan mengembalikan Sijil Takaful tersebut kepada pihak syarikat dalam tempoh 15 hari dari tarikh Sijil Takaful diterima. Sumbangan Takaful yang telah dibayar (selepas ditolak dengan jumlah perbelanjaan perubatan –sekiranya ada) akan dikembalikan. Syarikat akan membatalkan Sijil Takaful dengan serta-merta setelah penerimaannya dan ianya akan dianggap tidak berkuatkuasa semenjak dari tarikh dikeluarkan.
- c) Jumlah terkumpul di dalam PIA dan PRIA – Pendapatan pelaburan sebenar boleh berubah-ubah mengikut keadaan pasaran. Oleh itu, jumlah terkumpul di dalam PIA dan PRIA boleh meningkat naik atau menjadi kurang daripada jumlah Sumbangan Takaful yang telah dibuat ke dalam PIA dan PRIA (berkemungkinan menyebabkan peluputan Sijil Takaful sebelum tempohnya).
- d) Keuntungan pelaburan daripada PRIA, jika ada, akan dipulangkan kepada Pemegang Sijil Induk Takaful (Melalui PRIA) setelah ditolak Yuran Prestasi Pelaburan sebanyak 30% daripada keuntungan pelaburan tersebut. Walau bagaimanapun, pihak Syarikat boleh menolak Yuran Prestasi Pelaburan kurang daripada 30%.
- e) Syarikat akan mengenakan Caj Pengurusan Lebihan (SAC) sebanyak 50% daripada sebarang lebihan boleh-agih kasar semasa berakhirnya Tahun Kewangan Syarikat. Lebihan boleh-agih bersih (selepas ditolak SAC) daripada Dana Risiko akan diperuntukkan sepenuhnya (100%) kepada Peserta Takaful.

Nota: Senarai ini tidak muktamad. Sila rujuk kepada Sijil Takaful bagi mendapatkan senarai penuh terma-terma dan syarat-syarat yang terdapat di bawah Sijil Takaful.

**7) Apakah pengecualian utama yang terdapat di dalam Sijil Takaful ini?**

**a. Keadaan Sedia Wujud**

Tiada manfaat akan dibayar sekiranya kematian atau keilatan kekal atau penyakit kritikal atau kemasukan ke hospital disebabkan oleh Keadaan Sedia Wujud kecuali sekiranya Orang Yang Dilindungi telah diberi perlindungan melebihi dua belas (12) bulan daripada Tarikh Efektif perlindungan dan Orang Yang Dilindungi telah menyatakan kecederaan atau penyakit tersebut dan telah diterima secara bertulis oleh pihak Syarikat sebelum permulaan perlindungan.

#### **b. Pengecualian Bagi Kematian**

Jika Orang Yang Dilindungi, sama ada waras atau tidak, membunuh diri di dalam tempoh satu (1) tahun bermula pada tarikh Sijil Takaful Individu berkuatkuasa, meninggal dunia disebabkan Sindrom Kurang Daya Tahan Melawan Penyakit (AIDS) atau penyakit yang disebarkan secara seksual, tiada manfaat akan dibayar.

#### **c. Pengecualian Utama yang lain**

- i. Mencederakan diri sendiri atau sebarang percubaan ke atasnya sama ada di dalam keadaan siuman atau tidak;
- ii. Perkhidmatan ketenteraan atau tentera laut pada waktu perang sama ada yang diisytiharkan atau tidak, atau di bawah arahan bagi operasi pra peperangan atau pemulihan perintah awam;
- iii. Memasuki, mengendali atau menyelenggarakan, menaik atau menuruni dari atau dengan sebarang perkhidmatan atau pengangkutan udara melainkan semasa Orang Yang Dilindungi berada di dalam kapal terbang yang dikendalikan oleh syarikat penerbangan komersial dengan jadual penerbangan yang teratur mengikut destinasi yang telah ditetapkan, atau apabila Orang Yang Dilindungi menjadi penumpang perkhidmatan kapal terbang atau helikopter berlesen yang beroperasi di kawasan-kawasan yang tiada perkhidmatan kapal terbang penumpang berjadual tetap;
- iv. Jika Orang Yang Dilindungi didapati dijangkiti oleh virus HIV atau AIDS atau penyakit yang disebarkan secara seksual;
- v. Semasa Orang Yang Dilindungi berada di bawah pengaruh alkohol atau dadah selain dari yang telah dibenarkan oleh pengamal perubatan yang berdaftar;
- vi. Jika Orang Yang Dilindungi mengambil bahagian dalam mana-mana rusuhan atau melakukan kesalahan jenayah;
- vii. Jika Orang Yang Dilindungi didapati terlibat di dalam aktiviti-aktiviti pengganas, termasuk tetapi tidak terhad kepada, penggunaan kuasa atau keganasan dan/atau ancaman/ugutan kepada orang atau sekumpulan orang, sama ada tindakan perseorangan atau mewakili organisasi atau kerajaan untuk tujuan politik, agama, ideologi atau atas tujuan yang sama untuk menarik perhatian dan mempengaruhi kerajaan, dan/atau meletakkan orang awam atau mana-mana kawasan awam dalam ketakutan.

**Nota:** *Senarai ini tidak muktamad. Sila rujuk kepada Sijil Takaful bagi mendapatkan senarai penuh pengecualian-pengecualian yang terdapat di bawah Sijil Takaful.*

#### **8) Bolehkah Sijil Takaful ini dibatalkan?**

Menyertai pelan takaful keluarga adalah komitmen kewangan jangka panjang. Jika anda tidak membayar Sumbangan Takaful dalam tempoh ehsan, Sijil Takaful anda akan luput. Jumlah tunai yang akan dibayar oleh pengendali takaful apabila anda membatalkan Sijil Takaful sebelum tempoh matang akan lebih rendah daripada jumlah Sumbangan Takaful yang anda telah bayar.

#### **9) Apakah yang perlu dilakukan sekiranya terdapat perubahan kepada maklumat untuk dihubungi?**

Adalah penting anda memaklumkan kepada kami sebarang perubahan pada maklumat/alamat untuk memastikan semua komunikasi perhubungan sampai kepada anda dalam jangka masa ditetapkan.

**10) Bagaimanakah saya boleh mendapatkan maklumat lanjut?**

Jika anda memerlukan maklumat tambahan mengenai Takaful Keluarga dan/atau Takaful Perubatan dan Kesihatan, sila rujuk kepada buku insurance info mengenai 'Takaful Keluarga', dan/atau 'Takaful Perubatan dan Kesihatan' yang boleh didapati di semua cawangan kami ataupun anda boleh memperolehnya daripada ejen Takaful kami atau lawati [www.insuranceinfo.com.my](http://www.insuranceinfo.com.my)

Sekiranya anda mempunyai sebarang pertanyaan, sila hubungi kami di:

**Takaful IKLAS Berhad**

Jabatan CRM  
IKHLAS Point  
Tower 11A, Avenue 5  
Bangsar South  
No. 8 Jalan Kerinchi  
59200 Kuala Lumpur

Tel No: 03-2723 9999  
Fax No: 03-2723 9998  
Laman Web : [www.takaful-ikhlas.com.my](http://www.takaful-ikhlas.com.my)  
E-mel: [ikhilascare@takaful-ikhlas.com.my](mailto:ikhilascare@takaful-ikhlas.com.my)

**11) Produk seumpama yang boleh didapati.**

- TIADA -

**NOTA PENTING:**

**ANDA PERLU MEMASTIKAN BAHAWA SIJIL TAKAFUL INI AKAN MEMENUHI KEPERLUAN SYARIKAT ATAU ORGANISASI ANDA. ANDA PERLU MEMBACA DAN MEMAHAMI SIJIL TAKAFUL DAN BERBINCANG DENGAN EJEN ATAU MENGHUBUNGI PENGENDALI TAKAFUL SECARA TERUS UNTUK MAKLUMAT SELANJUTNYA.**

*Maklumat yang disediakan dalam keterangan maklumat ini adalah sah pada 21/01/2015*